

< Go back to Article Page

Print Article

Zulfakar tidak 'cedera' semangat

BERITA HARIAN, 9 August 2003, Page 33

Zulfakar tidak 'cedera' semangat

Sheik gariskan matlamat menangi tujuh emas

SILAT ASIA PASIFIK

oleh

Yusoff A. Rahman

PANTANG pahlawan berundur langkah.

Sesuai dengan reputasinya sebagai johan dunia, Zulfakar Mohamed Ramli sedia melangkah ke medan pertempuran Kejohanan Silat Asia Pasifik di Filipina sekalipun kaki kirinya terseliuh.

“Saya telah terjatuh sehingga kaki kiri saya terseliuh. Walaupun saya menghadapi masalah membuat tendangan menggunakan kaki kiri tetapi saya perlu bertanding,” kata Zulfakar sebelum berlepas bersama rombongan Singapura seramai 35 pesilat serta pegawai ke Manila, hari ini.


“Bukan tidak sakit tetapi saya perlu tahan sakit. Saya harap keadaan kaki saya akan bertambah baik menjelang kejohanan ini,” kata Zulfakar yang muncul sebagai johan dunia dalam Kejohanan Sedunia di Pulau Pinang, Malaysia pada tahun lalu.

Ketua jurulatih Singapura, Sheik Alauddin Yacoob, telah menggariskan matlamat untuk memenangi tujuh pingat emas dalam kejohanan ini.

Bagaimanapun, peluang Singapura lebih tertumpu dalam acara tanding melalui Zulfakar, Abdul Kadir Ibrahim, Imran Abdul Rahman dan Yusoff Shah Kamaruddin.

“Dari segi persiapan, kami telah menjalani latihan intensif,” ujar Sheik.

Berikut senarai pesilat: Faizal Wahab, Hafiz Abdullah, Taufiq Jasni, Hidayat Jasni, Yusoff Shah Kamaruddin, Kadir Ibrahim, Imran Mohamed, Iswandy Sapi, Suzie Eryani Kasmani, Saiedah Said, Suzianna Zainal, Norleha Mahmood, Fajariah Saban, Zahid Saban, Fazrul Aziz, Kamarula Ariffin Tahir, Rashid Hanif, Rahim Anwar, Sheik Harun Rafik, Alya Osman, Zuri-dah Osman, Kamariah Johari, Nurhafizah Rahim, Hafizah Yusoff dan Nurfatila Khairun.



KAKI TERSELIUH: Johan dunia, Zulfakar Mohamed Ramli, sedia menahan kesakitan demi beraksi di Kejohanan Pencak Silat Asia Pasifik.

foto fail